

**LAPPOP**  
**deur DRIES KRIEL**

*Sy is van Boere afkoms  
Net vier kort jaartjies oud  
Haar oë is soos die hemel  
En vlegseltjies van goud*

*Op hul plaas daar in die Vrystaat  
Waar hul klipsteen woning staan  
Neem sy haar tuisgemaakte lappop  
Oral waar sy gaan*

*Die diere het sy almal  
By die naam geken  
So weet sy altyd eerste  
Waar broei die weglê hen*

*Maar toe kom daar 'n oorlog  
En haar pappie gaan vêr weg  
Dit was so sê haar mammie  
Om vir die Republiek te veg*

*Die oorlog duur toe langer  
As wat almal eers wou wis  
En die traantjies vloei gedurig  
Soos sy haar pappa mis*

*Die uitlanders kom later  
En laai hul op 'n wa  
So sit sy met haar lappop  
Verwese langs haar ma.*

*Sy sien hoedat die Kakies  
Haar diereryk vermoor  
En toe hul huis in vlamme opgaan  
Wis sy hul het als verloor*

*Haar rokkies was altyd  
Vir haar alte fraai  
Nou dra sy 'n meelsak rokkie  
Dit vertoon vir haar so saai*

*Haar lyfie raak al dunner  
En haar armpies word krom  
Want in die moordkamp heers daar honger  
En haar mamma sit daar stom*

*Die mondjie wat eers kon skater  
Het nou 'n bitter trek  
En hartverskeurend is die fronsie  
Wat oor haar gesiggie strek*

*Sy sit daar in die kamptent  
Haar lappop knel sy vas  
Want haar mammie is reeds gister  
Verlos van aardse las*

*So kry hul haar ook later  
Daar by haar lappop lê  
En laat haal 'n ou seepkissie  
Om haar en haar ou lappop*

*In die aarde weg te lê*

*Sy was van Boere afkoms  
Net vier kort jaartjies oud  
Haar oë was soos die hemel  
En vlegseltjies van goud \*\*\*\*\**

